



SURAT PEKELILING PERKHIDMATAN BILANGAN 11 TAHUN 1982

PINDAAN KEPADA SUKATAN PEPERIKSAAN AM KERAJAAN

1. Tujuan

1.1 Tujuan Surat Pekeliling ini adalah untuk memaklumkan pindaan kecil terhadap Sukatan Peperiksaan Am Kerajaan.

2. Pindaan Sukatan

2.1 Lembaga Peperiksaan Perkhidmatan Awam yang bermesyuarat pada 30hb Mac 1982 telah meluluskan pindaan kepada Sukatan Peperiksaan Am Kerajaan. Dengan ini Sukatan Peperiksaan Am Kerajaan sebagaimana di [Lampiran A](#) kepada [Pekeliling Perkhidmatan Bil. 5 Tahun 1980](#) adalah dipinda seperti berikut:

Pindaan

BAHAGIAN I-*Latar Belakang Masyarakat, Ekonomi dan Sistem Pentadbiran Malaysia*

D. *Memahami Dasar-dasar Kerajaan*

- (i) Perpaduan masyarakat di seluruh Malaysia.
- (ii) Konsep Perpaduan.
- (iii) Menyusun semula masyarakat Malaysia.
- (iv) Sistem Pelajaran Kebangsaan sebagai alat perpaduan.
- (v) Mempertingkatkan kedudukan ekonomi.
- (vi) Dasar Pembangunan.
- (vii) Rancangan Lima Tahun Malaysia.

Perkara-perkara di bawah ID ini adalah sekarang ini dimasukkan kepada **Bahagian II-Jentera Pentadbiran Kerajaan** di bawah perkara D.

3. Keseringan dan tarikh peperiksaan

3.1 Lembaga juga telah meluluskan pindaan kepada tarikh peperiksaan. Mulai tahun peperiksaan 1982, keseringan dan tarikh peperiksaan bagi peperiksaan Am Kerajaan adalah dipinda kepada bulan Ogos dan Disember dan tidak lagi pada bulan Jun dan Disember.

4. Sukatan Peperiksaan

4.1 Sukatan Peperiksaan Am Kerajaan yang telah dipinda dan diluluskan oleh Lembaga Peperiksaan Perkhidmatan Awam adalah sebagaimana di [Lampiran A](#).

5. Tarikh Kuatkuasa

5.1 Pindaan sukatan peperiksaan ini hendaklah dianggap telah berkuatkuasa mulai 1hb April 1982.

"BERKHIDMAT UNTUK NEGARA"

Saya yang menurut perintah,

(MOHD NOORANI BIN KAMARUN) .
*Bahagian Perkhidmatan,
b.p. Ketua Pengarah Perkhidmatan Awam,
Malaysia.*

6hb Mei 1982.

Semua Ketua Setiausaha Kementerian.

Semua Ketua Jabatan Persekutuan.

Semua Y.B. Setiausaha Kerajaan Negeri.

Semua Pihak Pengurusan Badan-badan Berkanun.

Semua Pihak Pengurusan Kuasa-kuasa Tempatan.

PEPERIKSAAN AM KERAJAAN

- | | |
|-----------------------------------------------------------|---------------------------------------------------------------------|
| 1. Kesianjian dan tarikh | Dua kali setahun iaitu dalam bulan Ogos dan Disember. |
| 2. Pusat Peperiksaan ... | Akan ditentukan oleh Ketua Pengarah Perkhidmatan Awam Malaysia. |
| 3. Permohonan dikemukakan kepada | Ketua Pengarah Perkhidmatan Awam Malaysia |
| 4. Tarikh terakhir mengemukakan permohonan | Sebulan sebelum tarikh peperiksaan. |
| 5. Sukatan Peperiksaan (termasuk masa, markah dan soalan) | Peperiksaan ini adalah terbahagi kepada dua kertas seperti berikut: |

BAHAGIAN I - *Latarbelakang masyarakat, ekonomi dan sistem pentadbiran Malaysia.*

A. *Sosial*

- (i) Asal-usul (sejarah ringkas) kaum-kaum di Malaysia.
- (ii) Ciri-ciri masyarakat majmuk.
- (iii) Masalah Perpaduan.

B. *Politik*

- (i) Kemerdekaan dan perkembangan sebelumnya -- langkah-langkah dan peristiwa (events) ke arah pembentukan satu negara yang berdaulat.
- (ii) Pembentukan Malaysia.
- (iii) Perkembangan Malaysia dan hubungan antara Kerajaan Persekutuan dan Negeri.
- (iv) Sistem Kerajaan Berparlimen di Malaysia.
- (v) Malaysia dan politik serantau-pembentukan ASEAN, kegiatan dalam pergerakan negara- negara Berkecuali, peranan dalam Kommonwel dan Pertubuhan Bangsa-bangsa Bersatu.
- (vi) Keselamatan Negara.

C. *Ekonomi Malaysia*

- (i) Latarbelakang dan sistem ekonomi Malaysia semenjak 1900.
- (ii) Faktor-faktor yang menentukan keteguhan ekonomi Malaysia-kesetabilan politik dan sosial.
- (iii) Perbezaan dan pengimbangan kedudukan ekonomi.

Bahagian ini terbahagi kepada 2 seksyen:

Seksyen A--soalan objektif

Markah ... 40

Masa ... 30 minit

Seksyen B--soalan-soalan yang memerlukan jawapan berbentuk essei.

Markah ... 60

Masa ... 2 1/2 jam

BAHAGIAN II - *Jentera Pentadbiran Kerajaan.*

- A. (i) Susulan jentera pentadbiran--struktur Kementerian/kementerian Kerajaan. Negeri/Kerajaan Tempatan serta pertalian dengan Badan-badan Berkanun di peringkat Persekutuan dan Negeri.
- (ii) Fungsi-fungsi umum Agensi-agensi Pusat Kerajaan.
- B. (i) Cara-cara untuk meninggikan lagi kecekapan dan mutu perkhidmatan awam.
- (ii) Sistem pentadbiran dan jentera pelaksanaan yang berkesan.
- C. (i) Tatasusila dalam perkhidmatan Kerajaan--Bab D Perintah Am.
- (ii) Ethika Perkhidmatan Kerajaan--Panduan Perkhidmatan Cemerlang.
- D. (i) Perpaduan masyarakat di seluruh Malaysia
- (ii) Konsep Perpaduan.
- (iii) Menyusun semula masyarakat Malaysia.
- (iv) Sistem pelajaran kebangsaan sebagai alat perpaduan.
- (v) Memperseimbangkan kedudukan ekonomi.
- (vi) Dasar Pembangunan.
- (vii) Rancangan Lima Tahun Malaysia.

Bahagian ini terbahagi kepada 2 seksyen:

Seksyen A--soalan-soalan objektif

Markah ... 40

Masa ... 30 minit

Seksyen B--soalan-soalan yang memerlukan jawapan berbentuk essei.

Markah ... 60

Masa ... 2 1/2 jam

Calon-calon *tidak dibenarkan* merujuk kepada bahan-bahan bacaan/teks rujukan.

6. Keputusan: Lulus/Kandas.
7. Pengecualian: Seseorang calon yang lulus mana-mana Bahagian adalah dikecualikan daripada mengambil Bahagian itu.
8. Pegawai-pegawai yang di syaratkan/berkelayakan mengambil, peperiksaan ini Pegawai-pegawai Kerajaan yang dilantik dalam Kumpulan A dan B.
9. Tujuan Peperiksaan ... Sebagai salah satu syarat bagi maksud pengesahan dalam jawatan.

Bahan Rujukan

- Rujukan Utama Buku Panduan dan Rujukan Peperiksaan Am Kerajaan Terbitan Institiut Tadbiran Awam Negara (INTAN).
- Rujukan lain
- (i) Perlembagaan Malaysia.
 - (ii) Rancangan Lima Tahun Semasa.
 - (iii) Perintah Am.
 - (iv) Arahan Perbendaharaan.
 - (v) Arahan Perkhidmatan.
 - (vi) Buku Panduan Perkhidmatan Cemerlang.